

AUGLÝSING

um varúðarráðstafanir vegna gin- og klaufaveikifaraldurs í nálægum löndum.

Vegna þess, að gin- og klaufaveiki hefur orðið vart í nálægum löndum, vill landbúnaðarráðuneytið vekja athygli yfirvalda og almennings á því, að stranglega ber að fylgja reglum laga nr. 11/1928, um varnir gegn því, að gin- og klaufaveiki berist til landsins.

Í þessu sambandi skal sérstaklega tekið fram eftirfarandi:

1. Engar undanþágur verða veittar um innflutning spendýra og fugla, svo og þeirra vara, sem um ræðir í 2. gr. laganna, t. d. hálmur, notaðir þokar, fiður, burstar o. s. frv.
2. Alveg er bannaður innflutningur á hráum og litt söltuðum sláturafurðum, hverju nafni sem nefnast, þar með taldir alifuglar.

Brot á lögum nr. 11 1928 og auglýsinga, sem settar eru samkvæmt þeim, verða sektum.

Landbúnaðarráðuneytið, 5. desember 1963.

Ingólfur Jónsson.

Gunnlaugur E. Briem.

Nr. 217.

7. desember.

REGLUGERÐ

um leyfi í skólum.

1. gr.

Í skólum, sem heyra undir menntamálaráðuneytið, skulu leyfi nemenda vera sem hér segir:

- I. 1. desember.
- II. Jólaleyfi:
 1. Í barnaskólum frá og með 19. desember til og með 6. janúar.
 2. Í framhalds- og sérskólum frá og með 21. desember til og með 3. janúar.
- III. Öskudagur.
- IV. Páskaleyfi:
 1. Í barnaskólum frá og með mánudegi eftir pálmásunnudag til og með þriðja í páskum.
 2. Í framhalds- og sérskólum frá og með miðvikudegi fyrir skirdag til og með þriðja í páskum.
- V. Sumardagurinn fyrsti.
- VI. 1. maí.
- VII. Uppstigningardagur.
- VIII. Hvítasunnuleyfi frá og með laugardegi fyrir hvítasunnu til og með þriðjudegi eftir hvítasunnu. Þó er heimilt að halda próf laugardag eða þriðjudag.
- IX. 17. júní (í skólum, sem þá kunna að vera starfandi).
- X. Heimilt er að veita eins dags leyfi í mánuði („mánaðarfrí“), ef eigi eru önnur sérstök leyfi í þeim mánuði.
- XI. Helgidagar þjóðkirkjunnar, sem eigi hafa þegar verið taldir.

2. gr.

Reglugerð þessi tekur ekki til Háskóla Íslands.

3. gr.

Reglugerð þessi öðlast þegar gildi, og falla samtímis úr gildi ákvæði, er kunna að brjóta í bága við hana.

Í menntamálaráðuneytinu, 7. desember 1963.

Gylfi Þ. Gíslason.

Birgir Thorlacius.

AUGLÝSING

Með tilvísun til 2. gr laga nr. 35/1953, hefur ráðuneytið ákveðið, í samræmi við tillögu örnefnanefndar, að hin nýja eyja, sem myndast hefur við eldgos, er fyrst varð vart 14. nóvember s. l. suðvestur af Geirfuglaskeri, skuli heita *Surtsey*, en gígurinn *Surtur*.

Samkvæmt mælingum landhelgisgæzlu og sjómælinga ríkisins hinn 22. f. m. eru yztu mörk *Surtseyjar* að sunnan $63^{\circ} 17.8$ n.br., að norðan $63^{\circ} 18.2$ n.br., að austan $20^{\circ} 36.1$ v.lg. og að vestan $20^{\circ} 36.9$ v.lg.

Í menntamálaráðuneytinu, 9. desember 1963.

Gylfi Þ. Gíslason.

Birgir Thorlacius.

AUGLÝSING

um breyting á auglýsingu um skilyrði fyrir ótakmörkuðu lækningaleyfi
nr. 63 29. marz 1963.

Önnur málsgrein auglýsingar nr. 63 29. marz 1963 er hér með úr gildi felld. Þetta birtist hér með til leiðbeiningar þeim, er hlut eiga að máli.

Dóms- og kirkjumálaráðuneytið, 10. desember 1963.

F. h. r.

Baldur Möller.

Eliás Eliasson.